



Conscolaras e conscolars persequiteschan cun atenziun las producziuns musiclas en il liber.



Is scolars han era gi la pussaivladad d'experimentar cun pictura da sgraffiti.



In lavuratori è deditgà al dar la spada.

## «Begegnungen – Scuntradas – Incontri»

La Scola chantunala grischuna ha organisà per l'emprima giada in di da cultura

DA MARTIN CABALZAR

■ Per l'emprima giada ha la Scola chantunala grischuna realisà me-senna passada in Di da cultura. Sin l'areal da la Kanti Plessur e dals stabiliments da sport Sand han passa 1000 scolaras e scolars e radund 200 magisters e collavurators dà in'invista impressiunanta da la gronda varietad culturala da nossa scola chantunala trilingua. Sco quai ch'il rector da la Scola chantunala grischuna *Gion Lechmann* ha orientà las medias ha la direzziun da la scola tschentà pliras finamiras pedagogicas per il Di da cultura. «Il Di da cultura vul tgirar a moda cuns-cienta la diversidad culturala da la scola e promover la chapientscha interculturala. Plinavant vul quest di sviluppar navant la scola che funcziuna bain ad ina cuminanza da scola nua ch'ins sa senta bain. Il Di da cultura porscha la pussaivladad da prestar ina contribuiziun per la societad surpigliand responsabladad sociala».

Sper l'incumbensa da promover las capacitads intellectualas haja la scola chantunala er il pensum da promover las competenzas socialas, quai che saja medemamain d'impurtanza per cuntanscher la madrezza pretendida per in studi universitar. Il Di da cultura realisà quest onn per l'emprima giada porscha il rom basegnaivel per rinforzar questas competenzas, ha punctuà il rector.

### Scuntradas enritgeschan la vita

Il parsura dal comité d'organisaziun da quest grond arranschament *Ervin Janz* ha accentuà ch'ils divers workshops, ateliers e lavuratori sajan vegnids svilup-pads ed organisads da las scolaras e dals scolars sez. Magistras e magisters hajan mo sustegni e cusseglià scolaras e scolars tar la planisaziun dals workshops.

Il Di da cultura a la scola chantunala muntia che l'instrucziun na vegnia betg intermediada durant quest di tenor l'urari, ils differents roms e las structures da classa sajan dissolidas per quest di. In tal di possia cumenzar cun ina cursa sin il cjac en il bogh cuvretg, cun in sguard in in curs da crash u cun in confront cun la lingua araba. El sa manifesteschia dentant er en ils pli divers workshops davart dessegns al telefonin u cun exprimer la creatividad ed inspiraziun collectiva tras realisar in purtret comunabel. Ina surpraisa speciala è che scadin scolar ha gi da purtar ina tschavera per in conscolar defini tras trair la bustgetta. Da quel stgomi è sa svilup-pads interessents discurs tranter pèr. Plinavant ha era scadina classa gi da procurar per in agen dessert. La tschavera comunabla da mezdi ha gi lieu en il liber sin l'areal da la piazza da sport en il Sand.

Ervin Janz è persvadi ch'igl èn cunzunt las scuntradas cun umans che enritgeschan la vita. La finamira saja stada da promover l'identidad da la scola, l'engaschament en e per la cuminanza cun surpigliar responsabladad e prestar lavur fidada en «lavor cumina».

### Gronda varietad da workshops

A l'intermediader da cultura pluriling *Chasper Pult* è vegni surdà l'incumbensa da manar ils represchentants da las medias tras ils numerus workshops. Ed el ha fatg quai cun l'eloquenza usitada en tut las trais linguas chantunales. La cultura viva dal dialog e dal stgomi, punctuescha *Chasper Pult*. Cun l'acziun «Begegnungen – Scuntradas – Incontri» veglian ins stgaffir scuntradas che stgaffeschan l'identidad, promovon la chapientscha vicendaivla e s'orienteschan vers la biofilia sco princip che affirma la vita.

Ina svelta visita oculara tras ils numerus workshops ha demonstrà la vastadad e varietad dals temas ed ha laschè persvader ils visitaders cun tge plashair, anim ed engaschament scolars e scolars han lavurà vi da lur projects. Per menziunar mo intgins exempels èn scolaras e scolars s'occupads il Di da cultura 2014 da differentas spartas da musica, teater, chant, sauts, sport, lingua e cultura, dessegn, furmar e crear, fotografias, video, cuschnar etc. Tranter auter han scolaras ed ils scolars era visità betg main che 38 museums dal Grischun e preschentà quels en tschintg minutas a conscolaras e conscolars.

Las fotografias derivan da la grupp da fotografar cun *Michael Casutt, Christian Ansonia, Gianin Bergamin, Simon Scharegg, Jan Pochert, Andrea Cavelti, Colin Hoffmann, Leana Buff, Anja Stirnimann, Nina Rohner, Niculin Kaiser e Maria Cotti*.



Dessegns da fantasia creads durant telefonar.



Era il far chaltschiel para puspè da vegnir en moda tant tar giunvas sco tar giuvens.



Confruntaziun cun il linguatg arab.



Dar sin il schumber tenor ritmus inusitads.